

重刊萬方類纂

三

卽散一用大蒜代薑亦可、水中浮萍搗傅之
菜豆粉炒黃黑色猪牙皂莢一兩爲末米醋調敷
之皮破者油調之暴發紅腫痛不可忍者臘糟
糟之葱汁漬之日四五度猪胆汁和芥子末
貼之日三上猪脂亦可白芥子末醋調塗之
生蔓菁根一握入鹽花少許同搗封之日三易
蔓菁葉不中水者燒灰和臘猪脂封之帶泥山
藥蓖麻子糯米等分水浸碾傅之卽散也赤龍
散用野葡萄根晒碾爲末水調塗之卽消也松
香八兩銅青二錢蓖麻仁五錢同搗作膏難貼甚
妙一切毒腫不問硬軟取楸葉十重傅腫上舊
帛裹之日三易當重重有毒氣爲水流在葉上冬
月取乾葉鹽水浸軟或取根皮搗爛傅之皆效止
痛消腫食膿血勝于眾藥桐油点燈入竹筒內
薰之得出黃水卽消五倍子炒紫黑色蜜調塗
之大蝦蟆一個剝碎同炒石灰碾如泥傅之頗
易穿山甲挿入穀芒熱灰中炮焦爲末二兩入
麝香少許每服二錢半溫酒下敗龜板一枚燒
碾酒服四錢癰腫未成用此拔毒水調牡蠣粉
塗之乾更上未成膿者烏牛耳垢封之卽散

以熱湯頻沃之即散也 糯米膏貼之一夜便消

方見金鏃傷門金瘡癰腫條 癰疽初起者黃蘗

末和雞子白塗之乾即易又乾薑一兩炒紫礬

醋調敷四圍留頭自愈此東昌申一齋奇方也

癰腫無頭

孟詵曰三日後取葵子二百粒水吞之當

兩粒則有兩頭也 蜀葵子為末水調傳之 龍

葵莖葉搗傳 蛇蛻灰猪脂和塗 諸般癰腫新

掘天門冬三五兩洗淨沙盆搗細以好酒濾汁頓

服未效再服必愈又白欬赤小豆兩艸為末雞子

白調塗之陶隱居方用白欬二分藜蘆一分為末

酒和貼之日三上又野園葵一把川山甲燒存性

七分當歸尾三錢搗爛入酒一盃絞汁服以渣敷

之 赤小豆末水和塗之毒即消散頻用有效

初起以水蛭十餘枚令啞病處取皮皺肉白為效

冬月無蛭地中掘取暖水養之令動先淨人皮膚

以竹筒盛蛭合之須臾咬啞血滿自脫更用飢者

未成者白芷紫荊皮等分為末酒調服外用紫

荊皮木蠟赤芍藥等分為末酒調作箍藥 一切

癰腫背癰附骨疽未成膿者胡桃十個煨熟去壳

槐花一兩碾末杵勻熱酒調服 一切腫毒已成
未成用水膠一兩水漬莢當頭開孔貼之未有膿
者自消已潰者膿自出 黃明膠一兩水半升化
開入黃丹一兩煮勻以翎掃上瘡口如未成者塗
其四圍自消 一切腫毒未潰用乾人尿末麝香
各半錢碾勻以豆大津調貼頭外以醋麪作錢護
之膿潰去藥 荷葉中心蒂如錢者不拘多少煎
湯淋洗拭乾以飛過寒水石同臘猪脂塗之拔毒
止痛 諸瘡門有
瘡腫無頭一條

癰腫不破

黃葵子碾酒服一粒則一頭神效 薏苡
仁一枚吞之 苦酒和雀屎如小豆大傳

瘡頭上即穿也 莽艸一兩為末雞子白調塗帛

上貼之日二易得痛為良 癰腫炊熱作痛大黃

末醋調塗之燥即易數易即退神方也 止痛靈

寶散用鬼繫腰生竹籬陰濕石岸閒絡石而生者

好絡木者無用其藤柔細兩葉相對形生三角用

莖葉一兩洗晒勿見火皂莢刺一兩新瓦炒黃甘

艸節半兩大瓜萸一個取仁炒香乳香沒藥各三

錢每服二錢水一盞酒半盞慢火煎至一盞溫服

靈鼠膏用大雄鼠一枚清油一斤煎焦滴水不散
瀉再煎下炒紫黃丹五兩柳枝不住攪勻滴水
成珠下黃蠟一兩熬帶黑色成膏瓶收之出火
毒每用攤貼去痛而涼癰疽腫硬烏金散治癰
癰腫硬無頭不變色者米粉四兩葱白一兩同炒
黑礪末醋調貼一伏時又換以消為度癰疽有
膿不潰箔經繩燒礪和臘猪脂傅下畔
即潰不須鍼灸雄雀屎點塗即潰

决癰代針

蠶繭已出蛾者燒灰酒服次日即破只用
一枚神效無比白雞翅下兩邊第一毛

燒灰水服即破

雀屎塗瘡頭即易决白瓷器

礪末傅之可代針

惡瘡癰腫軟癰未潰者用茅

針以酒煮服一針一孔二針二孔

腫毒不破胆

礪雀屎各少許點之又棘針燒灰水服一錢一夜

出頭

癰疽腫毒

一切癰腫伏龍肝以蒜和作泥貼之乾再
易或雞子黃和亦可凡癰疽瘡瘍皆因

氣滯血凝而致宜服諸香藥引氣通血常器之云
凡氣血聞香即行聞臭即逆瘡瘍皆氣滯血聚最

忌臭穢不潔觸之毒必引蔓陳正節公云大凡疽
疾多因怒氣而得但服香附子藥進食寬氣大有
效也獨勝散用香附子去毛以生薑汁淹一宿焙
乾碾爲細末無時以白湯服二錢如瘡初作以此
代茶瘡潰後亦宜服之或只以局方小烏沉湯少
用甘艸愈後服至半年尤妙一切癰瘡婦人妬
乳乳癰小兒頭瘡浸淫黃爛熱瘡疥疽陰蝕並用
天麻艸切五升以水一斗半煮一斗分數次洗之
以殺痒一切癰疽發背初發二日但有熱証便
宜服漏蘆湯退毒下膿乃是宣熱拔毒之劑熱退
卽任服漏蘆用有白茸者連翹生黃芪沉香各一
兩生粉艸半兩大黃微炒一兩爲細末每服二錢
薑棗湯調下鐵掃帚卽馬蘭子同松毛牛膝以
水煎服一切癰疽及打撲損傷未破疼痛者以
生地黃杵如泥攤在上搽木香末于中又攤地黃
泥一重貼之不過三五度卽內消也癰疽腫毒
黃蜀葵花用鹽摻收糞器中密封經年不壞每用
傅之自平自潰無花用根葉亦可連翹艸及根
各一升水一斗六升煮汁三升服取汗紫花地
丁連根同蒼耳葉等分搗爛酒一鍾攪汁服川

烏頭炒黃藥炒各一兩為末唾調塗之留頭乾則
以米泔潤之一切癰疽瘡癰用荅絲菜或根馬
蹄艸莖或子即尊也各取半碗同苧麻根五寸去
皮以石器搗爛敷毒四圍春夏秋日換四五次冬
換二三次換時以蠶水洗之甚效家芥子末同
柏葉搗塗無不愈者大驗得山芥更妙黃藥皮
炒川烏頭炮等分為末唾調塗之留頭頻以米泔
水潤濕重陽前取芙蓉葉碾末端午前取蒼耳
燒存性碾末等分蜜水調塗四圍其毒自不走散
名鐵井闌癰疽赤腫米醋和蚌蛤粉塗之乾則
易之癰疽大痛壁虎焙乾碾末油調敷之即止
去粗皮取細白穰以粗皮同骨煎湯洗淨膿血盡
以細穰貼之立效有一朝士腹脇間病疽經歲或
以地骨皮煎湯淋洗出血一二升家人懼欲止之
病者曰疽似少快更淋之出五升許血漸淡乃止
以細穰貼之次日結痂愈癰疽惡毒番
降末楓乳香等分為丸熏之去惡氣甚妙
癰疽發背多年烟熏壁土黃藥等分為末薑汁拌調
攤貼之更以茅香湯調服一錢匕醋磨

濃墨塗四圍中以猪胆汁塗之乾又上一夜即消
厨內倒吊塵爲末以生葱極嫩心同搗膏傳之
留頭一日一換乾則以水潤之黑鉛一斤甘艸
三兩微炙瓶盛酒一斗浸甘艸乃鎔鉛投酒中如
此九度去滓飲酒醉臥即愈好光粉即水粉二
兩真麻油三兩慢火熬以柳枝急攪至滴水成珠
人白膠末少許入器水浸兩日油紙攤貼名神應
膏銀朱白礬等分煎湯溫洗却用桑柴火遠遠
炙之日三次甚效甘艸三大兩生搗篩末大麥
麴九兩和勻取好酥少許入內下沸水搜如餅狀
方圓大干瘡一分熱傳腫上以細片及故紙隔令
通風令則換之已成者膿水自出未成者腫便內
消仍當吃黃芪粥爲妙此方神授極奇秘又一法
甘艸一大兩水炙搗碎水一大升浸之器上橫一
小刀子露一宿平明以物攪令沫出去沫服之但
是瘡腫發背皆甚效初起未成者芋根熟搗傳
上日夜數易腫消則瘡成瘡者用龍葵一兩爲
末麝香一分碾勻塗之甚善一切背癰惡瘡用
蝦蟆一個同老鴉眼睛草莖葉搗爛傳之即散神
效痛不可忍者馬鞭草搗汁飲之以滓敷患處

紫花地丁草三伏時收以白麪和成鹽醋浸一

夜貼之昔有一尼發背夢得此方數日而痊半

夏末雞子白調塗之并治乳瘡初起微赤者括

樓搗末并花水服方寸匕生菖蒲搗貼之瘡乾

者爲末水調塗之血見愁卽地錦一兩酸漿草

半兩焙當歸二錢半焙乳香沒藥各一錢二分半

爲末每服七錢熱酒調下如有生者搗酒熱服以

渣敷之亦效血見愁惟雄瘡用之雌瘡不用初

起以麻油一斤銀器煎二十沸和醋醋二碗分五

次一日服盡毒氣不內攻莖麥麪硫黃各二兩

爲末并華水并作餅晒收每用一餅磨水敷之痛

則令不痛不痛則令痛卽愈粢米粉熬黑以雞

子白和塗練上剪孔貼之乾則易神效已潰未

潰用香豉三升入少水擣成泥照腫處大小作餅

厚三分瘡有孔勿覆孔上鋪豉餅以艾列于上灸

之但使溫溫勿令破肉如熱痛卽急易之患當減

快一日二次灸之如先有孔以汁出爲妙削冬

瓜一大塊置患上熱則易之分散熱毒氣甚良

吳茱萸一升擣爲末苦酒調塗帛上貼之并治發

乳諸毒凡人中熱毒眼花頭暈口乾舌苦心驚

背熱四肢麻木覺有紅暈在背後者即取槐花子一大抄鉄杓炒褐色以好酒一碗淬之乘熱飲酒一汗即愈如未退再炒一服極效縱成膿者亦無不愈此方三十年屢效者一切癰疽發背乳癰惡瘡不拘已成未成已穿未穿並用芙蓉葉或根皮或花或生碾或乾碾末以蜜調塗于腫處四圍中間留頭乾則頻換初起者即覺清涼痛止腫消已成者即膿聚毒出已穿者即膿出易歛妙不可言或加生赤小豆末尤妙其名爲清涼膏清露散鉄箍散皆此物也腫毒未成者用活蟾一個繫放瘡上半日蟾必昏潰置水中救其命再易一個如前法其蟾必跟踣再易一個其蟾如舊則毒散累驗極效若勢重者以蟾一個或二三個破開連肚乘熱合瘡上不久必臭不可聞再易二三即愈勿以物微見輕也初作及經十日以上腫赤焮熱日夜疼痛百藥不效者用鰕雞子一枚新狗屎如雞子大攪勻微火熬令稀稠得所捻作餅子于腫頭上貼之以帛包抹時時看視覺餅熱即易勿令轉動及歇氣經一宿定如日多者三日貼之一日一易至瘡乃止此方穢惡不可施之貴人一

切諸方皆不能及但可備擇而已雄雞冠血滴

疽上血盡再換不過五六雞痛止毒散數日自愈

母猪蹄一雙通草六分綿裹煮羹食之白犬

屎半升水絞取汁服以滓敷之日再胡燕窠土

鼠坐土榆白皮枯樓根等分爲末以女人月經衣

水洗取汁和傅腫上乾卽易之潰者封其四圍五

日瘥榆根白皮切清水洗搗極爛和香油敷之

留頭出氣燥則以苦茶頻潤不粘更換新者將愈

以桑葉嚼爛隨大小貼之口合乃止神效大如

盤臭腐不可近者桐葉醋蒸貼上退熱止痛漸漸

生肉收口極驗秘方也發背諸惡瘡糞坑底泥

陰乾爲末新水調敷其痛立止背瘡呻吟不已

用新巴豆仁畧熬與蜚蜋同碾塗之斯須卽痛

止口舌門口瘡口疳條下有兼治發背一方

一切癰疽赤腫者白芷大黃等分爲末米飲服二錢

一鍾攪汁服遠志酒治一切癰疽發背癰毒惡

候侵大有死血陰毒在中則不痛傅之卽痛有憂

怒等氣攻則痛不可忍傅之卽清涼或氣虛冷潰而不

熱逼人不可近傅之卽清涼或氣虛冷潰而不

萬方頁集三癰疽六

歛傳之卽歛此本韓大夫宅用以救人方極驗若
七情內鬱不問虛實寒熱治之皆愈用遠志不以
多少米泔浸洗搥去心爲末每服三錢溫酒一盞
調少頃飲其清以滓傳患處黃連栝榔等分
爲末以雞子清調搽之已潰未潰皆可用癰疽
疔腫惡瘡及黃疽山慈姑連根同蒼耳艸等分搗
爛以好酒一鍾濾汁溫服或乾之爲末每酒服三
錢甘艸三兩微炙切以酒一斗同浸瓶中用黑
鉛一片溶成汁投酒中取出如此九度令病者飲
酒至醉寢後卽愈也國老膏預期服之能消腫
逐毒使毒不內攻功效不可具述用大橫文粉草
二斤槌碎河水浸一宿採取濃汁再以密絹濾過
銀石器內慢火熬成膏以磁罐收之每服一二匙
無灰酒或白湯下曾服丹藥者亦解之或微利無
妨一切癰疽瘡疥及赤腫不拘善惡但以赤小
豆爲末水調塗之無不愈者但其性粘乾則難揭
入苧根末卽不粘胡黃連穿山甲燒存性等分
爲末以茶或雞子清調塗已潰未潰皆可用疔
毒門有丁
毒疽瘡條

癰疽已潰

荒花根皮搓作撚插入則不生合令膿易

半寸在外以嫩橘葉及地錦州各一握搗其上牛

功也

癰腫不散

生白藥根搗貼乾則易

癰疽拔膿

人乳汁和麪傳之比曉膿盡出不可近手

以蒜搗膏和水一豆許貼之少頃膿出即去藥

蝕爛癰腫

及疔贅瘤瘰癧柞櫟木灰四斗桑柴灰四斗

取釜中沸湯七斗合甑灰淋之取汁再熬至一升

投亂髮一雞子大消盡又剪五色綵投入消盡餅

癰疽惡肉

石灰半斤蕎麥楷灰半斤淋汁煎成霜密

灰等分煎膏塗之蝕盡惡肉以生肉膏貼之亦去
黑子此藥只可留十日久則不效地黃三斤水
一斗煮取三升去滓煎稠塗紙上貼之日三易
蒴藿灰石灰各淋取汁合煎如膏傳之能蝕惡肉
亦去瘰癧此藥過十日即不中用也弩肉如眼
不斂諸藥不治此法極妙附子削如碁子大以唾
粘貼上用艾火灸之附子焦復唾濕再灸令熱氣
微內即瘥治惡肉以丁香末傅之外以膏藥護
之烏金膏解一切瘡毒及腐化瘀肉最能推陳
致新巴豆仁炒焦碾膏點痛處則解毒塗瘀肉上
則自化加乳香少許亦可若毒深不能收斂者宜
作撚絰之不致成痛離疽肉突烏豆五枚濃醋
三升漬三日洗之日夜三四度

癰腫毒氣

紫石英火燒醋淬為末生薑米醋煎傳之
摩亦得療惡毒癰腫或連陰卵髀間疼

痛攣急牽入小腹不可忍一宿即殺人者用茴香
苗葉搗汁一升服之日三四服其滓以貼腫上冬
月用根此是外國神方起死回生甚驗

癰疽諸瘡

已潰未潰皆可用鹽白梅燒存性爲末入輕粉少許香油調塗四圍紅內消卽赤

何首烏不限多少瓶中文武火熬煎臨熟入無灰酒相等再煎數沸時時飲之其滓焙碾爲末酒煮麪糊丸梧子大空心溫酒下三十丸疾退宜常服之王不留行湯治癰疽妬乳月蝕白禿及面上久瘡去蟲止痛用王不留行東南桃枝東引茱萸根皮各五兩蛇床子牡荊子苦竹葉蒺藜子各三升大麻子一升以水二斗半煮取一斗頻頻洗之癰疽惡瘡楊梅諸瘡水銀一兩朱砂雄黃各二錢半白礬綠礬各二兩半碾勻罐盛燈盞蓋定鹽泥固濟文武火煉升罐口掃收每以三錢入乳香沒藥各五分酒太乙膏上貼之絕效名曰五寶霜一切癰疽發背無名腫毒年少氣壯者用黑白牽牛各一合布包槌碎以好醋一盞熬至八分露一宿次日五更溫服以大便出膿血爲妙名濟世散一切癰疽初起不問發于何處用木蓮四十個揩去毛礬細酒解開溫服功與忍冬艸相上下馬蹄草卽萼菜春夏用莖冬月用子就于根側尋取搗爛傳之未成卽消已成卽毒散用菜亦

可一切癰疽及腸癰奶癰赤腫未破或已破而膿血不散發熱疼痛能食者並宜排膿托裏散用地蜈蚣草赤芍藥當歸甘艸等分爲末每服二錢溫酒下
一切毒腫已潰未潰者用鯉魚燒灰醋和塗之以愈爲度

癰瘡不合

烏麻炒黑搗傅之入孔中以瘡爲度

石硫黃粉以筋醮揮瘡口令滯不合以北

艾煎湯洗後白膠熏之瘡口太深絲瓜擣汁頻抹之經霜黃桑葉爲末傅之破蒲蓆燒灰臘

月猪脂和納孔中不拘發背一切瘡用蠶甲燒存性碾摻甚妙牛屎燒末雞子白和封乾卽易

之神驗也老鼠一枚燒末傅之癰疽口令不合鼠皮燒灰封之收斂癰疽貓頭一個煨碾雞

子十個煮熟去白以黃煎出油入白蠟少許調灰敷之外以膏護住神妙一切癰疽瘡癰疳癰惡

瘡下疳腫瘡潰後外傷風寒惡汁臭敗不斂並主之木香黃連栝榔等分爲末油調頻塗之取效

癰疽久漏瘡口令膿水不絕內無惡肉大附子以水浸透切作大片厚三分安瘡口上以艾灸之隔

數日一灸灸至五七次仍服內托藥自然肌肉長滿碾末作餅子亦可

石癰堅硬

如石不作膿者用蛇蛻皮貼之經宿便愈蜀桑白皮煮汁浴之或為末羊膏和塗

之橡子一枚以醋于青石上磨汁塗之乾則易不過十度即平生商陸根搗擦之燥即易取軟

為度亦治濕漏諸癰莢荳子為末醋和傳瘡頭根即拔出梁上塵灰葵根莖灰等分用醋和傳

之赤小豆五合納苦酒中五宿炒碾加栝樓根等分以苦酒和塗即消並治諸癰

便癰膿血

白膠香一兩為末入麝輕粉少許搽之便癰腫痛貝母白芷等分為末酒調服或

酒煎服以滓貼之

癰疽痔漏

蟻蠟碾末傳之日一上水煮棘根汁洗之

身面石疽

狀如痊癰而皮厚楮實子搗傳之

腸癰

腹痛其狀兩耳輪甲錯腹痛或繞臍有瘡如粟下膿血用馬蹄燒灰和雞子白塗之即拔毒氣

萬方頁纂三癰疽九